

Akissarsiat allagartaat ukiumoortoq nutaaq ukiumut 2017-imut ukiunilu aggersuni immersortagassaq pillugu paasissutissiineq, Pisortat sulisitsisut

Akilaartarnermut Aqutsisoqarfik akissarsiat allagartaanik nutaamik suliaqarpoq pisortat sulisitsisunut, taaguutaa allanngunngilaq "20XX-imi isertitanut paasissutissaq". Isertitanut paasissutissanik immersugassaq siullermeerlugu atorneqalissaaq ukiumi aningaasarsiorfiusumi 2017-imi akissarsiarititanut il.il. paasissutissanik nalunaaruteqarnermi.

Pisortat sulisitsisut, tassalu Namminersorlutik Oqartussat, nunatsinni kommunit kiisalu naalagaaffik taamaasillutik immersugassaq "20XX-imi isertitanut paasissutissaq - A11" (Pisortat sulisitsisut) immersortassavaat.

Ilusilersornera (formatia) aamma allanngorpoq

Akissarsiat allagartaanik manna tikillugu atorneqartumik allannguinermi, akilaartarnermut inatsim-mi taannalu tunngavigalugu nalunaarusiani aalajangersakkanik assigiinngitsunik allannguutiteqartit-sisarnerit pingaarnerpaatut tunngaviupput. Allannguneq akissarsiat allagartaata ilusilersorneqarne-ranik/formatianik aamma allannguisariaqalernermit kinguneqartitsivortaaq.

Isertitanut paasissutissap nutaap immersorneqarnissaanut ilitersuusiortoqarportaaq, sulisitsisullu allannguutigittinneqartut pingaartumik makku maluginiassavaat:

- Nunani allani soraarnerussutisiassatigut akiliutinut akileraaruserneqartussat.
- Akileraarutit unerartitat Nunani allani soraarnerussutisiassatigut akiliutinut.
- Tapiissutit Nunani allani soraarnerussutisiassatigut akiliutinut akileraaruserneqartussat.
- Akileraarutit unerartitat tapiissutit Nunani allani soraarnerussutisiassatigut akiliutinut.
- Akeqanngitsumik internettersinnaatitaaneq.

Tamannalu ima isumaqarpoq sulisitsisup ukioq aningaasarsiorfik 2017 aallarnerfigalugu akeqanngitsumik internettersinnaatitaaneq inissisimaffia nuunneqarpoq normu 27-imut.

Malugeqquneqarportaaq Kalaallit Nunaata avataaniittuniit pensioniaqartitsiviit akiliutigineqartartunut akileraaruserneqarnissaa soorlutaaq tapisiat taakkunanngalu akileraarutit unerartinneqartut, isertitanut paasissutissat pillugit immersugassaq nutaaq atorlugu nalunaarutigineqassammata

Immersugassaq "20XX-imi akissarsiarititanut il.il. nalunaarut – A10" allannguuteqanngilaq.

Qulaani taaneqartutut "20XX-imi isertitanut paasissutissaq – A11" nutaaq ukioq aningaasarsiorfik 2017 aallarnerfigalugu atorneqalissaaq. Soorlutaaq ukiunut aningaasarsiorfiusunut 2017-imit siusinnerusunut nalunaaruteqassatillugu maannamut immersugassaq atuuttoq "20XX-imi akissarsiat allagartaat ukiumoortoq – A11" nutaaq atorneqartassaaq.

Formatip nutaap allaatigineqarnera

Formati nutaaq, isertitanut paasissutissat pillugit immersuiffissaq nutaamut tunngasoq, allaatigineqarportaaq, tamannalumi sulisitsisut akissarsiaritanut qarasaasiakkut aqutsissutaani iluarsiissuteqartariaqalernerannik kinguneqartitsilerpoq.

Qarasaasiatigoortumik akissarsialerissummi aaqiinissat siunertaralugit Akileraartarnermut Aqutsisoqarfimmit innersuussutigineqarpoq qarasaasiatigut aaqqissuussinermi ineriartortitserisartorisamik atassuteqartoqaqqullugu.

Akileraartarnermut Aqutsisoqarfiup nittartagaani - www.aka.gl-imi – makku ivertinneqarput:

- 20XX-imi isertitanut paasissutissaq - A11 (Sulisitsisut namminersortut)
- Isertitanut paasissutissap A11-p immersornissaanut ilitsersuut

<https://sulinal.nanoq.gl/>-imi una ivertinneqarpoq:

- Isertitanut paasissutissamut A11-mut formatit sulisitsisut akileraaruseriffiullu akornanni atorineqartut pillugit allaatigineri – ukioq aningaasarsiorfik 2017 aallarnerfigalugu atuutiler-soq. Formatit pillugit allaatigisaq taanna pisortanut sulisitsisunut kisimi atuuppoq.